

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

Stručna služba za zajedničke poslove

Broj: 17-14-7236-13

Sarajevo; ~~31-03-2016~~ godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst), a na preporuku Komisije za nabavku roba u postupku javne nabavke računara i računarske opreme za potrebe organa Kantona Sarajevo - (Zapisnik o pregledu i ocjeni ponuda broj: 17-14-7236-12 od 30.3.2016. godine, načelnik Stručne službe za zajedničke poslove Kantona Sarajevo, d o n o s i:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za nabavku roba u postupku javne nabavke računara i računarske opreme za potrebe organa Kantona Sarajevo i dodjeljuje se prvoplasiranom ponuđaču „**NETWORK I**” d.o.o. **Bijeljina**, prema dostavljenoj ponudi broj: 423-03/16 od 18.3.2016. godine u ukupnoj vrijednosti od 11.213,28 KM (sa PDV-om).

Član 2.

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze o kvalificiranosti po članu 45. Zakona o javnim nabavkama, u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, [www:http: sszp.ks.gov.ba](http://www.sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-7236 od 04.03.2016. godine – Nabavka računara i računarske opreme za potrebe organa Kantona Sarajevo. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke bez PDV-a iznosi 10.000,00 KM.

Za predmetnu nabavku objavljeno je dodatno obavještenje o nabavci na portalu javnih nabavki pod brojem: 1230-7-1-24-3-25/16 dana 11.3.2016. godine u 15:53 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Ugovorni organ je dostavio pozive sljedećim ponuđačima : 1. "BBS" d.o.o. Sarajevo; 2. "GODIMERC" d.o.o. Sarajevo; 3. "COMPUTER PLUS" d.o.o. Sarajevo; 4. "MMCC" d.o.o. Sarajevo.

Rok za dostavu ponuda bio je 23.3.2016. godine do 14,00 h. Za navedenu javnu nabavku u predviđenom roku i uredno zatvorenim kovertama, dostavljene su ponude od sljedećih ponuđača:

Rb.	PONUĐAČ
1.	“ROBERT'S PLUS” d.o.o. Sarajevo
2.	“ALF – OM “ d.o.o. Banja Luka
3.	“INTER – COM” d.o.o. Zenica (LOT 1)
4.	“INTER – COM” d.o.o. Zenica (LOT 2)
5.	“INTER – COM” d.o.o. Zenica (LOT 3)
6.	“R & S” d.o.o. Sarajevo
7.	“MMCC” d.o.o. Sarajevo
8.	“NETWORK I” d.o.o. Bijeljina
9.	“SK TRADEING” d.o.o. Sarajevo
10.	“KAMER COMMERCE” d.o.o. Sarajevo
11.	“IMTEC” d.o.o. Sarajevo
12.	“DIGITARIJA” d.o.o. Sarajevo
13.	“PC PLUS” d.o.o. Sarajevo
14.	“GODIMERC” d.o.o. Sarajevo

U skladu sa Odlukom o pokretanju postupka, Komisija za nabavku roba, formirana Odlukom broj: 17-05-27809 od 20.10.2015. godine, provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-7236-12 od 30.3.2016. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda četrnaest (14)
- da je blagovremeno zaprimljeno ukupno četrnaest (14) ponuda
- da nema neblagovremeno zaprimljenih ponuda
- da su ponude ponuđača "INTER-COM" d.o.o. Zenica (ponude pod red.brojem 3., 4. i 5) neuredne, odnosno ponuđač “INTER – COM” d.o.o. iz Zenice, dostavio je ponudu koja se ne odnosi na predmet javne nabavke računara i računarske opreme za potrebe organa Kantona Sarajevo;

Navedeni ponuđač je dostavio 3 /tri/ ponude za lotove predmeta javne nabavke računara i računarske opreme za potrebe organa Kantona Sarajevo iz 2015. godine i koji je kompletno završen u 2015. godini. Ponude ponuđača “INTER-COM” d.o.o. iz Zenice se odbacuju kao neuredne iz gore navedenog razloga, a ponuđač je o istom pismeno obaviješten;

- da ponude ponuđača “ROBERT'S PLUS” d.o.o. Sarajevo, “ALF – OM “ d.o.o. Banja Luka, “R & S” d.o.o. Sarajevo, “MMCC” d.o.o. Sarajevo, “NETWORK I” d.o.o. Bijeljina, “SK TRADEING” d.o.o. Sarajevo“, KAMER COMMERCE” d.o.o. Sarajevo, “IMTEC” d.o.o. Sarajevo, “DIGITARIJA” d.o.o. Sarajevo, i “GODIMERC” d.o.o. Sarajevo, ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa;

- da je ponuda ponuđača "PC PLUS" d.o.o. Sarajevo- Ponuđač formalno-pravo neispravna, odnosno i ista se isključuje iz daljeg postupka evaluacije ponuda, zbog neispunjavanja uslova za kvalifikaciju. Naime, Komisija za nabavku roba je prilikom provjere formalno-pravne ispravnosti prispjelih ponuda, konstatovala da je ponuda formalno-pravno neispravna iz razloga, što nisu dostavljene obične kopije bilansa stanja i bilansa uspjeha za 2015. godinu, kao sastavni dio Izjave po članu 47. Zakona o javnim nabavkama, a što je propisano članom III tačka 1.4. Tenderske dokumentacije broj: 17-14-7236-02 od 04.03.2016. godine i dostavljene su izjave za član 45. i član 52. ZJN, koje nisu ovjerene na propisan način, odnosno iste nije ovjerio nadležni organ. Naime, na stranici br. 5 Tenderske dokumentacije broj: 17-14-7236-02 od 04.03.2016. godine jasno je definisano za izjavu po članu 45. ZJN: "**Ponuđač, u svrhu dokaza o ispunjavanju prethodnih uslova lične sposobnosti (član 45. stav (1) Zakona), dužan je, u ponudi, dostaviti Izjavu ovjerenu kod nadležnog organa (sud notar ili općina), u fromi i na način koji propisuje Agencija za javne nabavke. Obrazac Izjave o ispunjenosti uslova iz tačke 45. stav (1) tač.a) do d) Zakona, propisan od strane Agencije za javne nabavke, je sastavni dio tenderske dokumentacije u obliku Priloga br. 3. Ponuđač će biti isključen iz daljeg učešća zbog neispunjavanja navedenog uslova za kvalifikaciju, ukoliko se u ponudi ne dostavi navedena Izjava, na način na koji je traženo.**" Također ponuđač "PC PLUS" d.o.o. iz Sarajeva, je dostavio Izjava po članu 52. ZJN, koja nije ovjerena na propisan način, odnosno istu nije ovjerio nadležni organ, a obrazac je propisan od strane Agencije za javne nabavke, a objavljen u Uputstvu za pripremu modela tenderske dokumentacije i ponuda ("Sl.glasnik BiH", broj 90/14). Ponuđač je o istom pismeno obaviješten. Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda. Tabela pregled prispjelih ponuda – rang lista prihvatljivih ponuđača za postupak javne nabavke računara i računarske opreme za potrebe organa Kantona Sarajevo kako slijedi:

1. "NETWORK I" d.o.o. Bijeljina	100,00 bodova
2. "R & S" d.o.o. Sarajevo	89,52 boda
3. "GODIMERC" d.o.o. Sarajevo	88,03 boda
4. "KAMER COMMERCE" d.o.o. Sarajevo	86,62 boda
5. "MMCC" d.o.o. Sarajevo	84,40 bodova
6. "ROBERT'S PLUS" d.o.o. Sarajevo	74,52 boda
7. "ALF – OM" d.o.o. Banja Luka	68,36 bodova
8. "DIGITARIJA" d.o.o. Sarajevo	64,52 boda
9. "SK TRADEING" d.o.o. Sarajevo	64,41 bod
10. "IMTEC" d.o.o. Sarajevo	56,00 bodova


U skladu sa kriterijem "ekonomski najpovoljnija ponuda" sa potkriterijima: cijena 70%, rok isporuke 20% i način plaćanja 10% , **ugovor se dodjeljuje prvorangiranom ponuđaču „NETWORK I” d.o.o. iz Bijeljine u ukupnoj vrijednosti nabavke od 11.213,28 KM, rok isporuke 1 (jedan) dan i način plaćanja od 120 (stotinudvadeset) dana. Za predmetnu nabavku će se zaključiti ugovor.**

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Prilog:

1. - Zapisnik o pregledu i ocjeni ponuda broj: 17-14-7236-12 od 30.3.2016.godine

Dostaviti:

1. Svim učesnicima u postupku
2. Stručnoj službi za zajedničke poslove
3. a/a